

وکبره تکبیرا

گوتنا (الله اکبر) د ههردوو روژین جهژنی دا و دهه روژین دهستیکی ژ ههیفا (ذو الحجه) ژ دروشمین مهزنین خودایی مهزنن و ژوان سونه تانه ئهوین تأکید لی هاتیه کرین و خودایی مهزن دبیژیت ﴿وَلْتُكَبِّرُوا اللَّهَ عَلَىٰ مَا هَدٰنٰكُمْ وَلَعَلَّكُمْ تَشْكُرُونَ﴾ البقرة: ١٨٥ ئانکو (وداکو هوین ل روژا جهژنی بگوتنا (الله اکبر) خودایی خو مهزنن بدانن کو وی هوین ب هیدایهت ئیناین و راسته ری کرین وداکو هوین شوکر و سوپاسیا وی بکهن) ژبه ر هندی سونه ته دقان روژا دا (الله اکبر) گهلهک بهیته گوتن ، و سونه ته بدهنگی بلند ل مزگهفت و مال و ریکا بهیته گوتن . بهلی ئهف دهنگ بلند کرنه بتاییه ته ب زهلامان فه و بو ژنان نه دروسته . و (الله اکبر) ب دوو جوران دهیته گوتن ب گشتی و ب تاییه تی و جورئی گشتی ئهوه کو ژ دهستیکا ههفا (ذو الحجه) دهستیکی دکهت ههتا روژ ئافا بوونا دوماهیك روژا جهژنی و ل جهژنا رهمهزانی ژ شهفا جهژنی پیقه دی (الله اکبر) بیژن ههتا وی دهمی کو ئیمام دهیت بو نفیژا جهژنی .

بهلی جورئی تاییهت ئهوه کو پشتی نفیژین فهرز (الله اکبر) بهیته گوتن ، خودایی مهزن دبیژیت ﴿وَأَذْكُرُوا اللَّهَ فِي أَيَّامٍ مَّعْدُودَاتٍ﴾ البقرة: ٢٠٣ ئانکو (و هوین زکری خودی بکهن و خودی ل بیرا خو بینن دوان روژین دیار کری دا) عیکریمه خودی ژئی رازی بیت دبیژیت (ئانکو : مه بهست پی گوتنا (الله اکبر) ه د روژین جهژنی دا پشتی نفیژین فهرز). ژبه ر هندی ئه گهر سلاف هاته دان سی جاران دی بیژیت (استغفر الله) و پاشی دی بیژیت : (اللهم أنت السلام و منك السلام تبارکت یا ذا الجلال و الإکرام) پاشی دی دهست ب (الله اکبر) کهت .

و جورئی تاییهت ، تاییهته ب جهژنا قوربانی فه و په یوهندی ب جهژنا رهمهزانی فه نینه . جورئی تاییهت بو وی کهسی کو نه ل چهجی بیت دی ژ سپیدا روژا عهرهفی دهست پیکهت ، بهلی بو وی کهسی ل چهجی دی ژ نیفرهوا روژا ئیکی یا جهژنی دهستیکهت ، و بو ههمیان ل دوماهیکا روژا چاری یا جهژنی بدوماهی دهیت

و گوتنا (الله اکبر) ب چند شیوهکا دهیته گوتن ژوان (الله اکبر الله اکبر الله اکبر لا إله إلا الله الله اکبر الله اکبر و لله الحمد) .